

NI TODANI FHANO?

 Ndi a ni livhuwa, Mukomana Neville. Vhunga ndo amba, matsheloni ano, zwi anzela u vha zwavhuđi u da nduni ya Murena.

² Ndo vha ndi kha fulo la u vhidza vho-mme mućuku fhano, madekwana ano, u ri a nyimbele luimbo lwe nda mu pfa a tshi khou luimba nduni yanga, linwe duvha. Ndi a tenda ri kha di vha na tshifhinga tshalwo, arali a siho murahu-rahu. Vho-mme Jefferies, vha khou humbula mini nga ha izwo, ulwo luimbo lućuku lwe vha luimba hangei? Ndo dzhena huno nda pfa lu tshi khou imbiwa, nahone nda lu funa nga maanda. Huno ndi a fhulufhela a thi khou vha dzhenisela mađo, u vha humbela uri vha lu imbe hafhu. *Mmbudze Dzina Lawe*, kana tshińwe tshithu tsha u ralo. Naa ndi zwone? Ndi do funa u lu pfa hafhu. Ndi a zwi divha ni do đifhelwa ngalwo nođhe.

³ [Tshikhala kha theiphi. Khaladzi Jefferies u imba *Mbudze Dzina Lawe Hafhu*—Mudz.]

⁴ Oo, Ndi tou funa hezwo! Ndi funa Dzina Lawe. Ni a divha tshire tsha nyitisa u ri ndi humbule izwo, u ri u vha na musidzana mućuku a tshi khou lu imba? Ndi khonani thukhu kha musidzana wanga mućuku, Rebekah. Huno ndo vha ndi murahu, mańwe matsheloni, ndi tshi khou ita tshińwe tshithu lufherani lwanga, huno nda pfa uho u imba. Huno nda elekanya, “Zwo ralo, ndi do tou vha nae kha u imba hezwo tshivhidzoni tshińwe tshifhinga.”

⁵ Gondoni fhasi, ndo isa vhana tshikoloni, huno nda amba nae nga ha u imba. Huno a ri, “Ndo tou takuwa...” Ndi nga si zwi amba nga maipfi a fanaho. Fhedzi a ri, “Ndo vuwa vhuńwe vhusiku, kana, huno ndo vha ndi mmbeten, ndo vha ndi khou humbula nga ha ulwo luimbo, huno nda wana phađutshedzo nga maanda!”

⁶ Zwo ralo, nda elekanya, “Ndi zwavhuđi hezwo, kha musidzana wa thangana-murole, u amba nga ha Muya Mukhethwa u tshi vha fhađutshedza, zwi hulu-hulu kha uno muvhundu, kha ino đorobo.” Ri khou ćoda vhasidzana vhanzhi vha thangana-murole vhunga havho. Ri a ralo.

⁷ Uyu muńwe musidzana mućuku we a imba, nae-vho, fhano, miniti i si gathi yo fhiraho. A thi divhi dzina lawe, fhedzi ndi a đifhelwa nga avho vhana vhaćuku, vhasidzana vha thangana-murole thukhu, vha tshi khou imbelela. Naa ni a divha, u tshimbila hune ra hu ita hu ita tsumbo kha vhańwe? Zwa vhukuma zwe ralo.

⁸ Nganea ya kale ya mińwaha yo fhiraho, ngei England, ho vha hu na munna. O elekanya uri a nga ćuwa nnđa huno a

vha na u nwa hułuku nga tshifhinga tsha Khushumusi, u tou itela vhuledzani. Huno a bvela nn̄da kha vhadzulatsini huno o vha a tshi khou ɻekana zwifhiwa navho, huno muthu muñwe na muñwe o vha a tshi do amba nae a ri, “Zwino, Jonh, i tou dzhia tshinwiwa tsha hezwi.” Huno u nwa hułuku *fhano* na u nwa hułuku *afho*, huno a kambiwa nga maanda.

⁹ Huno gondoni lawe la u ya hayani, ho vha ho wa mahada, nga intshi dla rathi. Huno—huno mutukana wawe mułuku o vha a tshi khou mu tevhela. O vha a nga si kone u mu takula; o vha o kambiwa vhukuma. Huno o vha a gondoni lawe la u ya hayani, huno zwa itea a rembuluwa u mona nahone a džhiela nzhele u ri mutukana wawe mułuku o vha a tshi khou pepeleka kha mahada. Huno a ri, “Murwa, ndi ngani u tshi khou pepeleka kha mahada?”

¹⁰ A ri, “Baba, ndi khou lingengedza u tevhela khando dza ɻayo dzavho.” Huno a takula uyo mułuku nga zwanda zwawe, huno a ri, “Mudzimu, u bva ɻamusi u ya phanda, a thi tsha do dovha nda nwa.”

¹¹ Muñwe muthu u khou ya u tevhela khando dza ɻayo dzanu. Kha ri tshimbile kha mutalo thwii, u bva mmbeten i wa lushie u ya kha Khalivari. Ndi yone khando ya ɻayo; kha ri vha tendele vha tshimbile khadzo.

¹² Zwino, ndi a ɻivha uri madekwana a ɻamusi ndi madekwana a tshilalelo. Huno ndi do tou vha na tshifhinga tshipfufhi tsha u amba na inwi kha Ipfi. Huno ndi—ndi funa u amba nga Hae, ngauri ndi Wa vhukuma kha nne nga maanda.

¹³ Ndo vha ndi tshi khou vuala zwifhungonyana tshiñwe tshifhinga, u humbula murahu kha vhasidzana hafhu. Zwo itea nn̄da Vhukovhela. Ho vha na muhuvho muthihi, vhusiku ha ɻumbu, na mamuya. Huno ho vha hu na vhañwe vhathu vhe vha vha na muñangano wa thabelo. Nahone we a vha a tshi khou ranga phanda muñangano wa thabelo ho vha hu musidzana mułuku a kungaho vhukuma. Hu si na u humbula nga ha khombo ine a nga vha khayo, fhedzi u tshila zwavhuđi khudan i ya dorobo ɻukhu. Huno hu anzela zwitarañani u vha na vhathu vhanzhi nga itsho tshifhinga tsha madekwana. Musi muñangano wa thabelo wo no valwa, nyimbo dzavho dzo no vha kha Murena, na mbilu dzavho dzo takala. Nahone ndi a humbulela, rothe, vho di pfa u nga Mukomana Beeler zwe a ita zwezwino musi a tshi khou ɻanziela. U tou takala vhukuma, vha nga si kone u ɻifara nga dakalo, na u tou litsha zwa bvela phanda nga inwe ndila. Murahu ha musi ya u fhedza “amen” yo ambiwa, vhothe vha balangana vha tshi a mahayani avho.

¹⁴ Huno mułuku, musidzana mułuku, a dzhia dzhasi lawe, na u hwiwidzela kholoro ɻtha, a li peta phanda halo, nahone a thoma fhasi tshiñarañani. Huno a da u wanulusa u ri vhusiku vhurotholaho ho shavhisela muthu muñwe na muñwe fhethu

hawe hu re na mulilo. Nahone o di wana a e^the zwi^čtarani. Huno zwi vhonala u nga khombo dza thoma u mu dodela.

¹⁵ Ni a divha, ndo takala vhukuma u ri Muya Mukhethwa u nga ri tsivhudza kha zwithu zwi no khou da; u ponya idzo khombo.

¹⁶ Huno ha ngo vhuya a humbula nga u ofha. Huno a thoma u imba ulwo luimbo lwa kale: *Ha, Ndi si Ndočhe*. Huno vhunga a tshi dzheña doroboni hothe, ha vhonala u nga a hu na ane a do mu dina, fhedzi nga tshifhinganyana ha takuwa nyofho khulu hafhu. Nahone a thoma u lavhelesa, o ima tsini, huno ho vha ho ima munna wa u tshuwisa heneffo, o lavhelesaho khae, o faraho zwanda zwawe sa *hezwi*, a tshi khou da khae.

¹⁷ A hu na ndila ya u ponya. Huno ndi nganea ya vhukuma. Ngauralo o vha a nga si kone u shavha; o vha a tshi do mu fara. Ho vha hu na tshithu tshithihi fhedzi tshine a nga ita. O vha a nga si zhambe. Mimuya yo vha i khou vhudzula nga maanda, u tshi nga sa takula muvhili wawe u bva tshi^čaračani. O vha a nga si kone uri muňwe muthu a mu pfe. Huno mahađa a tshi khou pofudza.

¹⁸ Huno ho tou vha na tshithu tshithihi fhedzi tshine tshi nga itwa, ho vha hu u rabela. Ngauralo a thoma, fhasi ha ipfi lawe, a tshi hevhedza thabelo kha Mudzimu. Huno a ri, ha ngo vhuya a divha hune ya hone, fhedzi, nga tshihadu, nga thungo ha vothi, ho vha ho ima mmbwa khulwane. Huno i na mamvele, huno ya tshimbila tsini nae, huno ya da kha sia line munna a do da khalo, huno ya thoma u huvha lwa nndwa, vhunga i tshi pfuka nga kha munna. Huno nga u ḥavhanya musi munna a tshi khou tsa fhasi nga tshi^čaračani, mmbwa ya rembuluwa nahone ya humela murahu huno ya navha fhasi vothini.

¹⁹ Mudzimu u do vha na ndavha na Vhare Vhawe. Mudzimu, tshiňwe tshifhinga, U shuma na nga mmbwa kana tshifuwo, kana nga inwe ndila, u sumbedza vhugala Hawe na tsireledzo Yawe. Ndo takala vhukuma u ri ndi a Mu divha kha u hangwela ha zwivhi zwanga, huno na vhučanzi ha u ri zwivhi zwanga zwi fhasi ha Malofha, vhunga ndi tshi khou zwi bula duvha na duvha Khae.

²⁰ Matsheloni ano, kha Mulaedza, ndi nga vha ndo vhonala zwičuku kha u khathekanya kana tshičuhu tshičuku, fhedzi a i tou vha pfunzo ya—ya tshumelo ya phodzo nga maanda. Fhedzi ndo tshila lwo edanaho u divha hezwi, Mukomana Tony, arali muthu a tshi do ita vhunga a khou pfa a tshi rangwa phanda u zwi ita, Mudzimu u do londa zwiňwe zwečhe, kha ndila ya muňe. Tshifhinga tsha u thoma zwi tshi vhuya zwa itea nga heyo ndila, fhano. Ri anzela u nekedza garača dza thabelo, na u imisa vhathu. Fhedzi Muya Mukhethwa wo nnyitisa u ri ndi vhudzise u ri hu na vhaeni vhangana vhe vha vha vha tshifhačoni, u ne wa do zwi katela lwo khunyelelaho. Huno zwenezwo A ita u ri lutamo lwavho lu divhee. Huno hu...na bula phodzo dzavho

na zwiñwe-vho. Zwi tou ya u sumbedza, u ri, "U pfa hu fhira tshiñhavhelo, u thetshelesa kha . . . na u nona ha thutha."

²¹ Ngauralo, madekwana ano, ndo nanga Luñwalo luñuku hafha lwa tshifhinganyana, u amba. Huno phanda ha musi ri tshi ita hezwo, kha ri kotamise zwifhañuwo zwashu lwa tshifhinganyana kha thabelo.

²² Murena, Iwe u Mudzimu, lwa lini na lini. Huno ri a livhuwa na u renda Iwe kha tshikhala tshine ra vha natsho, tsha u da phanda Hau, nga ndila ya thabelo. U divha hezwi, tsha u thoma, u ri two fulufhedziswa kha rine, u ri, "Arali na humbel a tshiñwe na tshiñwe Dzinani Langa, Ndi ño zwi ita." Huno ri na vhuñanzi u ri U ño tendela khumbelo dzashu.

²³ Huno hu na zwinzhi two no itwaho, madekwana ano, zwine ri pfa u ri arali ra nga tou vala tshumelo ra ya hayani, ri ño ri, "Zwo vha zwavhuñi u vha fhano." U pfa hedzi nyimbo dza Tsioni, dzi tshi imbwa kha vhathetselesi! U pfa vhatu vhunga vha tshi khou bvisa maipfi avho thabeloni, na kha u talukanya, na dzingsosha! Vhunga Luñwalo lu tshi ri, "U ita dakalo mbiluni yanu, u imba nyimbo dza tshimuya." U pfa avho vhasidzana vha thangana-murole! Kha ino awara ya swiswi, vhunga two vhonadzwa madekwana ano nga kha Mukomana washu Beeler, tshine ra khou tshila khatsho, na u vha pfa vha tshi khou imba dza Tsioni! U pfa vhudipfi ha Mukomana Beeler kha Iwe, u ri u u livhuwa hani Iwe, na zwe Wa ita, na u ri Wo mu holefhadza hani, u mu tendela u limuwa u ri o vha a tshi ño itani a si na iyo mmbi zwino. Zwi tou sumbedza u ri ro vhulugea nga tshilidzi Tshau na maanda.

²⁴ Iri roþe ri dzhiele nzhele, madekwana ano, Murena. Ngauri, ndi a tenda u ri ndi tshifhinga tshashu tsha u dzhia zwidodombedzwa two fhelelaho, tshifhinga tsha u di þola, ngauri a ri ñivhi u ri ndi tshifhinga-de tshine ha khou ya u þoliwa. Hu nga vha u lenga u fhirisa zwine ra humbula. Ngauralo kha ri þogomele ndila dzashu, madekwana ano, na mihibulo yashu.

²⁵ Huno ri tea u rabela u ri U ño amba na rine lwa tshifhinganyana kha Ipfi, zwenezwó ri fhañutshedze kha tshumelo ya tshilalelo nga murahu. Vhunga ri tshi khou dzhia zwipiða zwa tshinkwa tshi si na dini, na veini, zwine zwa imela muvhili Wau wo vundekanaho na Malofha o shuluwaho, u itela khangwelo ya zwivhi zwashu.

²⁶ Mufunzi washu a funeaho, madekwana ano, ha di pfi zwavhuñi. Fhedzi, kha nyambedzano yashu kha luñingo, o zwi vhea kha aleþare. Ndi na ngoho U ño i þanganedza, Murena. Huno ndo mu rabelisa u ya phanda, ngauri ri a mu funa nahone ri a mu þoda. Ri rabelisa ene na muña wawe, na muña muñwe na muñwe u re fhano, huno na dzoþhe khumbelo dzo ambiwaho madekwana ano, na u dzika, naho-vho.

²⁷ Kha vha ri fhațutshedze u ya phanda kha uno muțangano. Ngauri ri zwi humbela nga Dzina la Yesu, Murwa Wau. Amen.

²⁸ Ndi khou țoda u tou vhala kha tshipida tshițuku tsha Mańwalo hafha, a wanala kha Dzikhosí dza u Thoma 19, huno u thoma kha ndimana ya vhu9.

Heneffo a da n̄ha bakoni, huno a edela heneffo; huno, vhonani, ipfi la MURENA la mu ȳela, huno...la ri khae, U ȳodani fhano, Elia?

Huno ene a ri, ndo vha wa u swela, kana ndo vha wa vivho ndi tshi itela MURENA Mudzimu wa mavhuthu: huno ngauri vhawé Vhaisiraele vho lața mulanga wau, vho thutha alețare dzau, na u vhulaha vhaporofita vhau nga pfumo; huno n̄ne, naho hu n̄ne fhedzi, ndo salaho; nahone vha khou ȳoda vhutshilo ȣanga, u vhu dzhia...

Huno ene a ri, Bvela nn̄da, huno u ime kha thavha phanda ha MURENA. Huno, vhonani, MURENA a fhira, huno dumbu la mimuya la maanda la mu ranga phanda huno ȣine la fhandula dzithavha, na u pwasha matombo phanda ha MURENA; fhedzi MURENA o vha e siho kha mimuya: nga murahu ha mimuya ha ȣa mudzinginyo; fhedzi MURENA o vha e siho kha mudzinginyo:

Huno nga murahu ha mudzinginyo...mulilo; fhedzi MURENA o vha e siho kha mulilo: huno nga murahu ha mulilo ha ȣa ipfi ȣitukulo dzikaho.

Huno zwa vha nga u ralo, musi Elia a tshi ȣi pfa, a fukedza tshifhațuwo tshawe nga nguvho yawe, huno a bvela nn̄da, huno a ima munangoni wa bako. Huno, vhonani, heneffo ha ȣa ipfi kha ene, huno ha pfi, U ȣodani fhano, Elia?

²⁹ Ndi khou ȣoda u dzhia u itela lińwalwa, lwa tshifhinganyana: Ni ȣodani Fhano?

³⁰ Eliya o vha na ȣuvha li kondaho. O vha a Thavhani ya Kharamele, huno o vha o no vhona vhugala ha Murena vhu tshi tsa fhasi. O vha o no rabelela mulilo wa wa u bva mațadulu, huno—huno zwenezwo a rabelela mvula ya nela lifhasi. Huno fhasi ha mutsiko hoyu wothe, zwipfi zwawe zwe vha zwi tsini na u litshedza. Oo, ndi mu pfela hani!

³¹ Huno fhano ri mu wana, u thoma, a tshi khou rera kha lushaka lwo humelaho murahu lwa vhathu. Huno kha Isabele ane a ȣoda ndila yawe. Nahone vhathu vho vha vho da fhethu hune vho ȣutshela Mudzimu, u ȣutshela pfulufhedziso Dzawe dzothe na milayo Yawe yothe, na u sa vhuluga milayo Yawe, na u sa londa tshithu u itela Ene. Huno Elia, vhukati hazwo zweothe, ha ngo leludza. O do tea ima nga u fulufhedzea kha u tenda hawé. Oo, izwo zwi vhonala hani nga lino ȣuvha!

³² Huno vho vha vha na khosikadzi heneffho, nga dzina la Isabele. Huno o vha o pambusa vhana vhothe vha Isiraele nn̄da ha ndila, nga ndila yawe ya tshizwino ya u tshila. O vha itisa u ri vha ite vhudzekani vhu re nga nn̄da ha mbingano na u ita zwithu zwe vhifhaho. Arali hu si u fana na ñamusi!

³³ Fhedzi, Elia, vhukati hazwo zweþhe... Naho zwe ralo, vhunzhi ha vhana vha Isiraele, zwigidi zwavho, vho vha vho leludza, na u þoda u tshila vhutshilo ha tshizwino ha tshanduko. Naho zwe ralo, Elia ha ngo leludza. O vhudza Isabele vhuimo hawe na zwine a tea u ita. Oo, o vhenga uyo muporofita. Fhedzi, u tou fana, ha ngo zwi dzhia nga u ralo, fhedzi o vha a mufunzi wawe.

³⁴ Oo, hu na zwifhinga zwinzhi zwine a vha þodi u zwi dzhia nga u ralo, fhedzi munna o rumiawaho wa Mudzimu kha tshitshavha ndi mufunzi wa tshitshavha tshoþhe, kana ndi Mubaphuthisi, Phuresibetheriene, kana tshine a vha tshone. Mudzimu u dolisa muthu Wawe, nahone a nga si leludze. Nahone vhatthu tshiñwe tshifhinga vha a mu vhenga, ngauri u imela Ngoho, fhedzi naho zwe ralo ndi mufunzi wa Mudzimu wa awara.

³⁵ Oo, u a mu nyadza. A nga ita tshiñwe na tshiñwe tshine a nga kona u mu vhulaha, fhedzi naho zwe ralo o vha wa ngoho kha milayo ya Mudzimu na tshikalo tsha Mudzimu. Dzawe phathi dza tshizwino na matshilisano, na u pennda tshifaþuwo tshawe, na u ambara zwiambaro zwawe, zwe vha zwe tshikafhadza lushaka. Huno Elia wa kale o vha a songo leluwa. O mu vhudza thwii he a vha o ima hone.

³⁶ Mudzimu ri rumele Vhoeelia vhanzhi kha uno musi, vhane vha sa ðo leludza kha tshivhi; muñwe muthu ane a ðo rera Ngoho, hu sa londiwi u ri i vhavha hani. Mudzimu u kha ðivha na vhadiñda kha tshitshavha tshiñwe na tshiñwe, vhane a vha nga leludzi nga zwithu zwa shango.

³⁷ Elia ha ngo funa zwithu zwa tshizwino-zwino, ngauralo a ima lwa ngoho kha Mudzimu. Huno þano la ða. Huno þano lo ða hafhu.

³⁸ Huno Elia, kha Thavha ya Kharamele, musi vho humbula u ri maðuvha oþhe a madembe o fhira, nahone a hu tsha ðo vha na tshithu-vho sa madembe, ho vha hu na muthu muthihi we a vha a tshi tenda khao. Huno a ri, "Disani vhaporofita vhañu vhoþhe. Vha ðiseni ñha hafha thavhani, huno kha ri lingulule ri vhone u ri Mudzimu ndi nnyi." Ndi a funa ulwo Luñwalo.

³⁹ Oo, arali ho vhuya ha vha na tshifhinga, kha fhethu, hune Maanda a Mudzimu a ngoho a tea u vhonala, ndi ñamusi. Kha ri lingulule u ri Mudzimu ndi mini.

⁴⁰ Arali funzo i ndila ya mbofholowo, ndi ngani i sa zwi iti? Arali vhuimo ha matshilisano, na zwiñwe-vho, i yone ndila, ndi ngani zwi sa zwi iti? Arali u badela dziñwe tshaka u vha þama

dzashu . . . Huno ri wanulusa u ri vho shandula zwivhangwa u lwa na riñe, nga u ḥavhanya nga hune vha nga kona. Huno ni nga si badele vhukonani nga tshelede. Vhukonani ndi tshifhiwa tsha Mudzimu. Arali zwivhidzo zwiñulwane na vhafunzi vhahulwane vha ndila ya u bva, mulandu ri si na vhunzhi ha Mudzimu kha tshitshavha tshashu zwenezwo? Mulandu ri tshi dzulela u sudzuluwela murahu? Arali mbekanyamushumo ya pfunzo, huno phuluphithi yo pfumbudziwaho zwavhuđi, na khwairi yo pfumbudziwa zwavhuđi, huno ri dzulela u ḥutshela kule na Mudzimu, tshifhinga tshođhe, zwenezwo a zwi nga shumi.

⁴¹ Saintsi yo ita mini? Saintsi, inwi ni ri, “Tshifhinga tshi do da musi saintsi I tshi do ita *tshino* nahone ya ita *tshila*.” Vho ita mini? Vho ri disa fhethu u swikela vha tshi tshinyadza shango lođhe. Vha khou ita mini? Vha khou tshinya shango madzuloni ha u li ita u ri li vhe la khwine.

⁴² A si kale, musi Mulangi A1 Farrar wa FBI, kha zwipida zwiñuku zwa United States, a vha na nñe kha ofisi yawé; murahu ha musi ndi tshi mu disa kha Kristo, fhasi kha hune vha thuntshelwa hone. Ha pfi, “Mukomana Branham, nñe ndi Mubaphuthisi. Ndo pfa u ri wo vha u Mubaphuthisi.”

Nda ri, “Ee, muñe wanga.”

⁴³ Ene a ri, “Fhedzi a thi na Muya Mukhethwa u ne wa khou amba ngawo.” Ene a ri, “U humbula u ri U do vha wanga?”

Nda ri, “Ee, muñe wanga.”

⁴⁴ Ene a ri, “Zwo ralo, ndi do oda suthu yavhuđi huñwe fhethu kha luñwe lufhera lwavhuđi lwa hodela. Huno nñe na inwi ra ya ntha, huno khañwe U do ḫa kha lufhera lwa hodela na u ḫadza nga Muya Wawe.”

Nda ri, “A ni na ho- . . . a ni tei u vha na suthu ya hodela.”

Ha pfi, “Zwo ralo, ndi gai hune A do ḥangana na nñe?”

Nda ri, “Henefha.”

⁴⁵ A ri, “A nga si de kha ino galari, A nga ralo, galari ya u thuntshela hone fhano?”

⁴⁶ Nda ri, “O ya kha thumbu ya vhimbi a tshi itela muñwe; nandoni ya mulilo u itela muñwe-vho. U do ḥangana na inwi kha luvhande luñwe na luñwe lune na do ḥangana Nae khalwo.” Ngoho. Mudzimu u khou ḫoda u ḥangana na inwi. U khou ḫoda u zwi amba na inwi. U do ḫa hune na vha hone.

⁴⁷ Zwino, Isabele o tshikafhadza shango. Nahone zwipfi zwa Elia zwe vha zwi kha mutsiko, huno o vha o ita madembe mahulu na u ita zwiga kha tshikwara, u tikedza u ri Mudzimu o vha a tshi kha di vha Mudzimu, nahone a nga fhindula nga ndila ya madembe. Huno zwe disa mini, mvelele? U shushedzwa ha vhutshilo hawe ene muñe. Zwe disa mini madzuloni a

mvuseledzo ya shango? Zwo ḋisa tshutshedzo kha vhutshilo hawe ene muñe.

⁴⁸ Isabele, musi Ahaba o mu vhudza izwo zwithu, ene a ri, “Ngavhe midzimu i tshi zwi ita kha nñe, huno zwanzhi, nazwo-vho, arali nda sa tumula ṭohoho yawe nga tshino tshifhinga matshelo nga madekwana.”

⁴⁹ Huno Elia we a vha a khou lingedza, nga mbilu khae, ya Mudzimu, u lingedza u sumbedza vhathu u ri Mudzimu u kha di vha Mudzimu. Huno zwa vhuya murahu khae. Huno a shavhela sogani musi a tshi zwi pfa. Huno heneffho a dzula fhasi kha muri wa muunganani, u lingedza u wana khuthadzo. Ene o—ene o vha ṭuwisa mudinda wawe kule, huno a mu ṭutshela.

⁵⁰ Zwino, nganea yashu i ya fhethu hu raru ho fhambanaho. Ha u thoma, Thavhani ya Kharamele; hu tevhelaho, fhasi ha muri wa muunganani; huno ha vhuraru fhethu Mudzimu o ṭangana nae, a bakoni.

⁵¹ Huno a zwi ngo ḋowelea nga maanda. Vhafunzi hafha vha a zwi divha, na vhañwe vhashumeli. Lavhelesani, nga murahu ha Thavha yanu ya Kharamele, ni khou ya u vha na muri wa muunganani. Tshifhinga tshothe musi muthu a na phaṭhutshedzo, nahone Maanda a Mudzimu o tsela fhasi na u ita tshiñwe tshithu kha inwi, lavhelesani, Sathane u kha vhuṭala. Edzonu elelwa, duvha li tevhelaho, uyo Musumbuluwo phanda ha yavhudi Swondaha, tshi khou ya u vha tshithu tshi konḍaho, ngauri u khou ya u ita zweþe zwine a nga kona u bvisa uvho vhudifulufheli kha inwi, he Muya Mukhethwa wa vhea kha inwi nga mulovha ha hone.

Ngauralo, Elia o vha a na ḋuvha lìhulu. Huno a na mazhuluzhulu, nga iñwe ndila.

⁵² Vhaporofita vhothe vha... who rwelwaṭari u vha vhalwadze vha muhumbulo. Yesu Kristo o rwelwaṭari u vha mulwadze wa muhumbulo. Muñwe na muñwe wa vhaapostola o rwelwaṭari u vha mulwadze wa muhumbulo, nga vhadzulapo, ngauri vhashumeli havho ho vha vhu ha nt̄ha ha mupo u swikela vhathu vha tshi elekanya u ri vho bva kha mihumbulo yavho. Muñwe na muñwe ane a tshila vhukhethwa kha Kristo Yesu u do tovholwa. Ni vha muthu o fhambanaho.

⁵³ Vhunga Mukomana Beeler o amba nga ha tshiga tshawe nga murahu, ni mbo di vha o bebwaho hafhu. Ni vha tshivhumbwa tshiswa kha Kristo. Zwilala zwo fhela. Zwithu zwa ñama zwa shango a zwi tsha ni fareledza, nahone a ni tsha do zwi farelela, musi no ṭahekanya u bva lufuni u ya Vhutshiloni.

⁵⁴ Musi Mudzimu o wana muthu, tshithu tsha u thoma tshine A ita tshivhidzoni ndi u tshi ḋisa u bva vhashangoni u ya kha u khethefhadzwa, nahone U tshi bvisa u bva lufuni u ya Vhutshiloni. Tsho bebwaho hafhu. Ndi tshiswa. Mihumbulo

yatsho ndi miswa. Tshine ra ṭoda ndi mvuseledzo vhunga hezwo, namusi. Zwa vhukuma ndi ngoho. Oo, ri na vhudzivha ha Muya. Ro vha na dziphathutshedzo dza maya na u vuwa ha maya, fhedzi a ri tsha zwi ṭoda izwo na khathihi. Ri ṭoda mvuseledzo ya Muya wa Mudzimu a tshilaho, mbiluni dza vhathu. A ri tsha ṭoda zwinzhi zwa vhudzivha ha Muya, kana u karuswa ha tshimuya tshiñwe tshifhinga zwi itisa mavhuthu o vanganaho. Ri ṭoda mvuseledzo, ine ya do, vusuludza zwine ra vha nazwo. Hu si u karuswa ha tshimuya; thsifhinga tshinzhi hezwo zwi vhanga mavhuthu o ṭangananaho. Fhedzi ri ṭoda mvuseledzo ine ya do nwelela fhasi, u dzinginyisa fhasi, na u tumulela nn̄da zwithu zwothe.

⁵⁵ Vhunga u ima kha khunzikhunzi ya lwanzhe. Ndo vha ndi tshi khou amba na vhañwe vharathu Puerto Rico vhege dzi si gathi dzo fhiraho. U ri, musi ndi tshi vhona lwanzhe luhulu, na madlumbu mahulu, magabelo a nthā u fhira heyi thaberenakele. Huno nda ri, “Ni a ñivha ndi mini? A lu na na shotha na lithihi a lmađi khalwo u fhirisa musi lwo dzika lwo khunyelelaho. Fhedzi, ndi mini tshi no khou ita u honyana na fhufha, nahone zwi amba mini? Lu laṭa thukhwi yothe nn̄da halwo, kha khunzikhunzi.”

⁵⁶ Ndi zwine Tshivhidzo tsha ṭoda, ndi mvuseledzo, u tshi dzinginyisa u bva Khatsho vhushango hothe na zwithu zwa shango, na u vhuisa murahu u kuna na khethefhadzwa ha Mudzimu, mbiluni dza vhatendi Vhatsho, u ñițukufhadza.

⁵⁷ Mulandu, munna, u itela ene muñe, a vha wani mvuseledzo luthihi nga tshifhinganyana, muyani wavho, vha vha vha nama vhukuma na khudano, u swikela vha tshi vha vha tshitaela, u kondā, u luga ha vhone vhañe. Vho vhala na u guda, huno ndi zwavhudí hezwo, fhedzi hezwo a si zwone zwiine ra khou amba nga hazwo. Ni ñivha zwinzhi nga ha Ipfi. Ndi zwavhudí u ñivha Ipfi, fhedzi ndi khwiñe u ñivha Mune wa Ipfi. Ni a vhona? Itsho Tshithu tshiñuku tshine na tshi sia, itsho Tshithu mbiluni tshine tsha itisa uri inwi ni vhe zwine na vha zwone, ndi tshone tshithu.

⁵⁸ Huno ndi a ni vhudza, Eliša, na zwipfi zwawe o dalelwa, nga inwe ndila. Ndi dzulela u mu pfela vhułtungu. Zwipfi zwawe zwo vha zwi tsini na u litshedza, nga inwe ndila, huno iyo phaundu khulwane u bva kha Isabele ya fhedza u oma lurumbu. Zwenezwo a gidima, huno a dzhena phangani huno a dzula fhasi ha muri wa muunganani.

⁵⁹ Oo, iyo tshenzhemo ya muri wa muunganani! Hu na vhunzhi hashu ri no di wana ri fhasi ha muri wa muunganani. Ndi a di wana ndi fhasi benefho, zwifhinga zwinzhi, fhetu hune a ni ñivhi tshine na do ita. No sinyuwa. Zwa vhukuma, ndi fhasi hawo zwino, na u ñivhudzisa, “O Mudzimu, ndi tshini tshine Wa ntoda ndi tshi tshi ita?”

⁶⁰ Ni a ñivha, vhathu fhasi ha muri wa muunganani vha fana na Eliya, vha funa u edela. Ndi—ndi rera kha vhathu vhanzhi

vho netaho u fhirisa muñwe muthu shangoni. Vhathu vho neta nga maanda. Vho—vho—vho—vho neta vhukuma mihumbuloni u swikela vha tshi dadza zwiimiswa zwa vhalwadze vha muhumbulo na maongelo, huñwe na huñwe. Vha dzhena kha nyimele ya mazhuluzhulu u swikela vha si tsha divha tshine vha tenda, na tshine vha Ქoda. Vho sokou dzula heneffho. A vha divhi tshine vha tea ita. Oo, ndi mbono i Ქungufhadzaho.

⁶¹ Thetshelesani hafha, murathu wanga. Ni nga si zwi fhedze nga u nwa. Ni nga si zwi fhedze nga u zhambelala. Kana u tambo magaratā u swikela zwi si tsha vha hone. Nahone ni nga dzhia khofhe dza masiari dza zwigidi na lingedza u zwi ponya nga u edela, huno ni nga si zwi ite. Yothe mishonga yashu miñuku, tshithu fhedzi tshine ya ita ndi u thusa tsumbadwadze. Ri tea u vha na dzilafho la dwadze. Ri tea u vha... Vhadivhamuhumbulo vhothe shangoni vha nga si fhodze. [Mukomana Branham a khokhonya kha phuluphithi luraru—Mudz.] Zwi thusa fhedzi tsumbadwadze. Phodzo i kha Malofha a Yesu Kristo. Hu si u awela kha khunzikhunzi ya lwanzhe. Hu si u wana luimbo, khwairi ya u imba nyimbo. Ndi zwine ra khou lingedza u ita, ñamusi, u zwi imbela kule.

⁶² “Oo, ri do di ita vhunga Joneses.” Huno ri khou—ri khou lingedza u ita tshiñwe tshithu tsho fhambanaho, u lingedza u zwi funzela nnqa. Hu na nqila nthihi fhedzi ya u zwi ita, ndi u, u livhana na mbuno. Ndi zwone. [Mukomana Branham u khokhonya phuluphithi luraru—Mudz.] Oo, arali no kwata na u sinyuwa, ni songo dzhoina tshivhidzo. Idani kha Kristo. Ndi yone phodzo fhedzi. Ni songo ita khumbelo na vula siañari liswa. Itanu wana Vhutshilo vhuswa. Kristo ndi phindulo.

⁶³ Heneffho o edela, fhasi ha muri wa muunganani. O vha a sa divhi tshine a ño ita. O vha a na vhuñaledzi ha zwipfi. O vha tshi khou tetemela. O vha a tshi khou lila, hu si na u tama-tima. Nahone o vha a kha tshiimo tshi shushaho.

⁶⁴ Vhunzhi hashu ri swika afho fhethu, zwiñulu-hulu nga murahu ha tshenzhemo tsha Thavha ya Kharamele. Zwo vhudziswa nne, liñwe ñuvha, nga muñwe muthu, nga ha hezwo. Huno uri ndi ngani... Rine ri do... Ndi mini zwine, ri, nga ita zwone? Ndi mini zwine ri nga itelwa nga itsho tshifhinga? Hu na tshithu tshithihi fhedzi tshine tshi nga itwa: u dikumedzela kha Mudzimu. Zwino, ndi a zwi divha uri muthu a nga shuma na u fhirisa ene muñe, nahone muthu a nga shuma zwiñuku ene muñe, muthu.

⁶⁵ Mudzimu o zwi divha uri hoyu munna u khou Ქoda u kanzwiwa. U khou Ქoda tshiñwe tshithu tsha u la. Huno fhasi ha hafha fhethu, he a vha o edela hone, Mudzimu o ño tea u mu itela tshiñwe tshithu.

⁶⁶ Mudzimu u ño tea u ita tshiñwe tshithu tsha muthu muñwe na muñwe are fhasi ha muri wa muunganani, kana u ño ya

kha litshedzana. U tea u zwi ita, arali muđinda Wawe o edela phasi ha muri, phanda, a sa divhi tshine a tea u ita. O vuledza ndaelo yawe.

Elia a ri, “O Murena, ntendele ndi fe.”

⁶⁷ Ndo no vha na hezwo zwipfi nga murahu ha musi ndi tshi bva muđanganoni, na u vhonala u nga ndo lingedza, na u rera, na u humbela, na u fhembeledza, na u vhona Muruwa wa Mudzimu a tshi khou shuma nga kha muđanganoni na u ita zwiga na vhučolo. Huno nda dzula kha goloi nnđa, huno u vha pfa vha tshi lila, vha ri, “Izwo a si tshithu nga nnđa ha muhumbulo. A hu na tshithu Khazwo. A hu na tshithu kha Hezwo. Izwo zweathe ndi maloto.”

⁶⁸ Oo, zwenezwo nda swenda phasi ha muri wa muunganani. Nda humbula, “Murena, mulandu Wo—mulandu Wo ntendela ndi tshi zwi itela mini? Zwi do ita mini?” Fhedzi rođhe ri a swika kha idzo tshenzhemo. Fhedzi, khathutshelo ya Yehova, kha muđinda Wawe! Mudzimu u divha ndingo dzaňu. Itanu divha hezwi, U divha zweathe nga hadzo, ngauralo U a da phasi.

⁶⁹ Nahone U a zwi divha uri mudinda Wawe u ya toda u awela, ngauralo U tou mu vhea kha u edela lwa tshifhinganyana; musi o edela heneffho, o lindela u fholu hafhu, kana thabelo ya u fa. “Murena, vhokhotsi anga vho fa, phanda hanga, huno zwino dzhia vhutshilo hanga. Ndo ita zwo edanaho. Ndo lwa nndwa tshidele, ndo fhedza mushumo.” Fhedzi ho vha hu na mushumo u ne wa kha di tea u itwa. Mudzimu o vha a songo fhedza na muporofita Wawe. O vha a kha di vha na mushumo.

⁷⁰ A hu londiwi uri ri lila zwi ngafhani, na u humbula *tshino*, *tshiila*, kana *tshinwe*, a hu na tshithu tshine tshi nga ri dzhia u swikela Mudzimu a tshi fhedza na riňe. Ndo takala vhukuma u divha hezwo.

⁷¹ Tshinwe tshifhinga ni pfa u nga, vhunga zwe nda ita tshinwe tshifhinga, u vhea tshigidi kha tħoho yanga, u divhulaha, fhedzi a thi ngo kona u zwi ita. Nda bvisa magilafu anga, u a vhea kha lučale lwa muđagasi munzhi hune ndo vha ndi tshi khou shuma hone, fhedzi a thi ngo kona u zwi ita. Tshinwe tshithu tshi kha di vha tħo fara. Mudzimu a sa shanduki we a vha a na Elia, uyo Mudzimu a sa shanduki, namusi! O mmbona phasi ha muri wa muunganani. Mufumakadzi wanga na lushie lwanga vho edela ngei seli vħidani; na khotsi anga, vharathu vhanga, na vhothe. Ndo vha ndo tou fhela, nne muñe. Ndo no lala phasi ha muri wa muunganani. Zwi a kondā. Huno nda swika kha fħethu hune, ndo vha ndi si tsha kona na luthihi, nda lingedza u ita uri tshigidi tshi thuntshe maluvhi; a tshi ngo zwi ita. Ni a vhona? Hu na mushumo u ne wa kha di tea u itwa. Tshinwe tshithu tshi tea u itwa. Mudzimu o vha a songo fhedza. U do dzulela u vha na ndavha na inwi.

⁷² Mushai, u neta, muđinda o thambaho! O mu vhona. O divha he a vha a hone.

⁷³ U a ɖivha hune na vha hone, madekwana ano. Ni nga vha ni fhasi ha muri wa muunganani, zweṭhe zwo fhela, fhedzi, elelwani, U a ɖivha hune na vha hone. A ri Ქodi u dzudzanyululwa hoṭhe.

⁷⁴ Vhunga musadzi wa mukhaladi wa kale o amba, fhasi Tshipembe. O vha na khombo; goloi yo mu thula. Huno ho vha... Yo mu vhaisa nga maanda, huno—huno ramilayo a ri, “Vha Ქoda u hwelela mulandu wa tshinyalelo?”

⁷⁵ A ri, “Milayo-ee, khathutshelo! Hai, mufunwa.” Ha pfi, “Ndi na tshinyalelo yo linganaho. Ndi khou Ქoda huňwe u vhuedzedzwa.”

⁷⁶ Huno ndi humbula uri vho amba zwavhuđi kha hetshi tshitshavha, na tshino tshivhidzo, madekwana ano, na ili Amerika li yaho heleni. A li ngo humela murahu; lo no Ქuwa. A li—a liho kha gondo la u ya heleni; lo no diṭangana na hele. A li ngo xela, li khou ya u xela; lo no xela kale. A li Ქodi u hwelela tshinyalelo; li Ქoda u vhuedzedzwa. Ndi ngoho. U a ɖivha hune na vha hone. U a ɖivha he na edela hone.

⁷⁷ Huno O rumela Muruňwa. Huno Muruňwa a mu kwama, huno a ya u edela. Huno musi a tshi vuwa, ho vha huna khekhe dza khoni, kana luňwe lushaka lwa khekhe, yo bagiwaho, yo vhewa nga thungo hawe. Huno A ri, “Eliya, vuwa huno u le.” Khetsho tshilidzi tsha Mudzimu, kha mudind a Wawe. Ni a vhona, O mu awedza.

⁷⁸ Ni a ɖivha, Yesu o ri, “Idani thungo, ngomu sogani, huno ri awele zwiṭuku.” Vhaňwe vha avho vhathu vhane vha humbula uri a u tei u awela, ri wanulusa uri vha neta nga u Ქavhanya, navho-vho. Arali vha sa awela, vha di wana vho thamba huňwe fhethu. Ndi humbula uri ndi hune Mukomana washu Billy Graham a vha hone, madekwana ano, u lingedza u thuntsha dzangani lwo kalulesaho. Heyi mivhili ya vhathu yo khwaṭha, fhedzi i ya Ქoda u awela.

⁷⁹ Zwenezwo ni nga awela zwiṭukunyana, huno na ya huňwe fhethu, huno vha do ni sasalandza, vha ri, “Ndo elekanya uri o vha a mureri. Mu lavheleseni, nn a kha khunzikhunzi, u khou rea,” kana tshiňwe tshithu sa hezwo. Fhedzi izwo a zwi na mushumo. Yehova u do londota Vhare Vhawe.

⁸⁰ Huno musi o edela heneffo, fhasi ha muri, o neta na u sinyuwa, Mudzimu a dzikisa zwipfi zwawe. A mu kanzwa. A vusa hafhu, huno a mu kanzwa hafhu, huno a dovha a mu ededza.

⁸¹ Ni a ɖivha, ndo dzulela u ɖivhudzisa uri ho vha hu na mini kha idzo khekhe. Ndi lushaka-de lwa pfushi lwe a lu wana kha idzo khekhe? Naho zwo ralo, tshiňwe na tshiňwe tshe tsha vha tshi ngomu heneffo, tsho ita uri a fhedze mađuvha a mahumim a na vhusiku hao. O tshimbila nga maanda a idzo khekhe.

⁸² Mudzimu u a ñivha, madekwana ano, ndi khou inwe yadzo. Huno ndi na ngoho ya uri tshino tshivhidzo tshi khou ñoda inwe yadzo. U bvela thungo, kule na shango, huno kha ri awele lwa tshifhinganyana. Kha ri ambe lwa tshifhinganyana.

⁸³ A ni na tshifhinga tsha u awela, inwi ni ri. John Wesley o amba hezwo, tshinwe tshifhinga. O ri, "Ndi khou ofha u awela. A thi na tshifhinga tsha u awela." Huno ni ñi wana no vundekana, arali ni sa aweli.

⁸⁴ Huno ri wana, zwenezwo, uri o tshimbila maðuvha a mahumi-maña na vhusiku hao, nahone Mudzimu a mu vhea fhethu vhupo, vhuimo, kana u kokodzelwa murahu bakoni. Huno Mudzimu a khou ñoda u kunga muhumbulo wawe. Ngauralo ho vha hu na dumbu ñihulu le la pfuka, nahone la fhandukanya dzithavha. Lo vha li na maanda u swikela li tshi dzinginyisa matombo, fhedzi Mudzimu o vha a siho kha ñumbu. Lo tou ya phanda ha Mudzimu. Huno zwenezwo heneffo ha ña, hafhu, mudzinginyo muhulu we wa dzinginyisa lifhasi, fhedzi, naho two ralo, Mudzimu o vha a siho kha mudzinginyo. Huno heneffo ha ña mulilo, fhedzi Mudzimu o vha a siho kha mulilo. Huno zwenezwo ha ña Ipfi ñituku lo dzikaho, huno Mudzimu o vha a kha Ipfi.

⁸⁵ Huno, murathu, khaladzi, ndo no vha murahu kha bako lwo edenaho, huno ni tea, na inwi-vho, u ñivha uri hu na midzinginyo minzhi i dzinginyeaho u mona, phosho nnzhi na zwithu, na zwiliwa, na zwithu vhunga hezwo, na miñangano mihulu. Fhedzi Mudzimu u gai, kha izwo? Ndi ngazwo ndi tshi amba zwe nda ita matsheloni ano. Hu tea u ña tshinwe tshithu tsho dzivhafhalaho u fhirisa tshumelo ya phodzo. Hu tea u vha na tshinwe tshithu tsho dzivhafhalaho u fhirisa tshifiwa tshau amba nga dzindimi. Hu tea u vha na tshinwe tshitshu tsho dzivhafhalaho u fhirisa maya u vhudzulaho. Maya wo bva, fhedzi Mudzimu o vha a siho khawo. Ro no vha na mimuya i vhudzulaho, shangoni loþhe, na munzenzero, na malofha kha tshifhantuwo, na zwandani, tshaka dzoþhe dza zwiga. Fhedzi Mudzimu u gai afho?

⁸⁶ Elisa o lindela. Naho two ralo, o vha a muporofita, fhedzi o thetshesela Khawo. Ha ngo ya u vhambedza mvuseledzo nazwo. Ha ngo ya u wana dennde ñihulu shangoni. Ha ngo ya nnða u ya kha thelevishini, kana zwiñwe-vho, sa zwine ri nga zwi vhidzisa zwone.

⁸⁷ Maloto oþhe mahulu, huno Amerika li na mulandu wa u thetshesela iyo phosho. Oo, ri funa phosho, fhedzi Mudzimu haho kha phosho. Naho two ralo, sa zwi huliseaho na zwithu, vhunga vho ralo, naho two ralo, Mudzimu haho kha phosho. Arali izwo two vha nga u ralo, musi Vhaafrika vha tshi lidza ngoma, a ni athu pfa lushaka lwa phosho na nyimbo sa ulwo. Mudzimu o vha a siho khazwo. Huno ro no vha na mimuya mihulu i vhudzulaho. Ro no vha na tshaka dzoþhe dza mililo, na midzinginyo, na u

dzinginyea, na mvuseledzo khulwane, na zwithu vhunga hezwo. Mudzimu o vha a siho khazwo. Arali two vha two ralo, two vha zwi tshi do vha two disumbedza.

⁸⁸ Fhedzi, nga murahu ha izwo, hu da Ipfi lo dzikaho, zwenezwu Mudzimu o vha a kha Ipfi.

⁸⁹ Ndi zwine nda humbula namusi, khonani. Riñe vhathu ri nga maanda—ri hwala nga maanda nga phosho. Ngauralo, Amerika li funesa phosho. Lavhelesani zwine vha khou ita. Vha funga hedzi radio dza kale, nga maanda nga hune vha kona, na roko na rollo, na boogie-woogie, tshaka dzothe dza zwithu. Vha tea u zwi pfela nthia nga maanda, zwi do thathabisa ndevhe dzanu, kanzhi, phosho yothe, tshifhinga tshothe tsha duvha.

⁹⁰ Huno tshivhidzoni, ri lidza ngoma, ro gidima nthia na fhasi, na u tzhemba na huwelela, na zhamba, na u vha na tshifhinga tshavhudi sa hetsho. A huna tshi lwaho nazwo, fhedzi Mudzimu u gai kha izwo? Zwo ita mini? U tou ri tumukanya ra vha zwipida, u vhidzwa Khuvhangano ya Mudzimu, tshivhidzo tsha Mudzimu, Penetekostała ya Vhuthihi ho Faranaho, dzothe hedzi dzińwe dzo fhambanaho dzidinomineisheni thukhu. Mudzimu haho khazwo. Ndi ma rangela phanda a Mudzimu. Ndi tsumbamushumo.

⁹¹ Musi ni tshi vhona vha no sokou vhidzwaho Vhakriste namusi, vhathu vha yaho zwivhidzoni na—na u tshila uvhu vhutshilo ha u dihudza, na u ya nda huno vha hana phodzo, na u hana Maanda a Mudzimu, na u hana vhutshilo ho khethethhalaho, u ni vhidza “vha vhusweeli ho kalulaho,” elelwani, ndi tsumbamushumo. Ndi u... Mukomana Wood, ndi a tenda ni zwi vhidza tsumbamushumo. Ndi mafanedza. Ndi fureme ine ya khou ya nga nnnda. Mudzimu u tou ima khayo fhedzi, u fhaṭa tshifhaṭo. Vhugala kha Mudzimu! Ndi fureme ya mafanedza fhedzi ine ya do kherulwa.

⁹² Ro no vhanda zwanda, huno ha pfi, “Vhugala kha Mudzimu! Musi ni tshi zhamba, no u Wana.” Vhamethodisi vha ralo, Vhanazarini. Vho wanulusa uri a vha Nawo.

⁹³ Pentekostała vha ri, “Vhandani zwanda zwanu na u zhamba, u swikela ni tshi amba nga dzindimi. No U wana.” Fhedzi ro wanulusa uri a ri Nawo.

⁹⁴ Huna tshithu tshithihi tsho salaho. “Huno, Mudzimu, nnyise bakoni hune nda do U wana hone.” Kha ri wane ilo Ipfi lituku lo dzikaho, itsho Tshithu tshi vheaho khirimu kha vhutshilo. Itsho Tshithu, tshine, “Naho na amba nga dzindimi dza vhathu na Vharuwā, ni si na Hezwo, a ni tshithu. Naho na porofita na amba nga dzindimi, na u sumbedza zwiga na vhuṭolo, na ita madembe na ita zwiga zwihiulu, fhedzi, arali ilo lituku, Ipfi lituku lo dzikaho li siho afho, a ni tshithu,” lu ralo Luñwalo. Ndi line ra khou thetšelesa zwino.

⁹⁵ Ri no vha na mibvumo. Ro no vha na mulilo. Ro no vha na mimuya i vhudzulaho na midzinginyo. Fhedzi, “Mudzimu, ri rumele Ipfi lītuku lo dzikaho.” Ndi zwine ra ḥoda. Thetshelesani, murathu. Ri khou di ḥoda ilo Ipfi lītuku lo dzikaho, Ipfi lītuku lo dzikaho le la amba.

⁹⁶ Yesu. U ri, “A ni nga pfi Ipfi Lawe tshiṭaratani. A ni ngo Mu pfa a tshi lila.” O vha a lushaka lwashu. Lavhelesani Khae. O vha mbedzwa, Muya Wawe, sa liivha, vhulenda.

⁹⁷ Zwithu zwihiulu ndi zwithu two dzikaho. Naa ni tshi zwi divha izwo, khonani? Thetshelesani. Duvha, line la nea vhutshilo kha lifhasi, kha zwe the zwi tshilaho, kha vhutshilo ha zwimela, vhutshilo ha tshimela, vhutshilo ha muri, zwinwe zwinzhi, li disa vhutshilo, duvha li a ralo. Huno li nwa milioni dza māda kha lifhasi, nahone la ita phosho thukhu u fhīrisa ine ra nga i wana kha bakete lo dala u bva kha bombo. Ni a vhona? Ndi zwithu zwihiulu. Zwithu two fhumulaho ndi zwithu zwihiulu. No no vhuya na pfa shango li tshi khou mona? No no vhuya na pfa dzipulanete vhunga dzi tshi fhira nga kha obithi? Naa no no vhuya na pfa nthihi? Ndi zwithu zwihiulu. No no vhuya na pfa duvha li tshi ṭavha?

⁹⁸ Oo, ri humbula uri ri tea u vha na phosho nnzhi, u vha na ngoma, u linda, u fhufhela n̄tha na fhasi hunzhi, kana a ri na muṭangano wavhuđi. Ri humbula uri muñwe na muñwe u tea u vha n̄tha, vha tshi khou vhanda zwanda na zwithu. Ri humbula uri muzika u tea u ya kha tshuni, na muthu muñwe na muñwe a tshi gidima n̄tha na fhasi kha luvhande. Ro no vha na hezwo. Two ita mini tshavhuđi? Zwi gai? Two ri isa gai ɣamus? Kha tshigwada tsha ndado, tshigwada tsha dinomineisheni; u tumuwa, vhurathu ho tshinyadzwa. Zwa vhukuma, ho ralo. Ndi tshivhungu tsha kale, na vhuukhula, na—na tshaka dzothe dza zwivhungu u bva murahu hangei u rangani. Huno Yobo o zwi vhona, kana... Yoele o zwi vhona. “Zwe tshivhungu tsha sia, vhuukhula hoł; huno zwe vhuukhula ha la, nzie dzo la,” na zwinwe-vho, u swikela ri tshi zwi la fhasi kha tshiguthe.

⁹⁹ Fhedzi Luñwalo lu ri, “Ndi do vhuedzedza, u ralo Murena.” Ro lindela tshinwe tshithu.

¹⁰⁰ Zwa u zhamba hothe, ro no vha na u thathaba ho linganaho na phosho u—rembulusa shango lothe. Ro no vha na u tzhema na miuvho na u bvela phanda ho linganaho. U swikela, zwi ita mini? A zwi ngo fhaṭa Tshivhidzo. Two fhaṭa dzidinomineisheni. Two ita uri munna a ye nda na miumbulo ya u dihudza na hemmbe dza zwithu. A thi funi izwo zwithu. U tshimbila kha pulatifomo, u ri, “Oo, mu lavheleseni. Ndi mukololo. Lavhelesani uri o ambara hani, o tou nakiswa na zwe the. U a ɣivha uri u ita hani maambiwa awe, na zwinwe-vho.” A si zwine Mudzimu a nanga hezwo.

¹⁰¹ Muporofita o elekanya hezwo, duvha l̄ithihi. O vha a tshi khou ya u dolisa mudind̄a. A ri, “Ndi ene muhulwanesa kha muṭa. U do vhonala o luga.” Fhedzi Mudzimu a mu landula.

¹⁰² A ni tei u vha na vhakololo, na—na zwiñwe-vho, u ima hafho n̄tha vhunga ndi sa ñivhi uri ndi mini. A si zwiambaro zwine na ambara, kana u amba zwavhuđi hune nah u shumisa. Ndi Tshiñwe tshithu tshi re ngomu hanu, ilo Ipfi la Mudzimu. Ndi zwine la vha zwone.

¹⁰³ Muporofita a fhirela kha muñwe, ha pfi, “A si ene. Mudzimu o mu landula.” A fhirela kha muñwe. Ha pfi, “A ni na muñwe?”

¹⁰⁴ Ha pfi, “Ri na muṭuku, muthihi wa u tswukuluwa wa kale, murahu hafha tshikwarani, u khou lisa nngu.” O vha a Davita.

¹⁰⁵ Musi vha tshi ñisa uyu muṭuku, wa ḥoho tswuku, maṭannga wa tshifhađuwo tsha zwithomathoma hothe henehfo, huno ndi muṭuku, ndi muṭuku mahadani, na u di putela nga mukumba wa nngu u mona nae, Mudzimu ari, “Ndi ene.”

¹⁰⁶ U ñivhea hanu hu hulwane na zwithu zwa tshika a zwi tshimbili na Mudzimu. Ni nga vha na D.D.D., Ph.D., kana kavhili-L.D. Ni nga vha mubishopho, muphousphu, kana tshiñwe-vho tshire ni nga vha tshore. Fhedzi zwi dzhia Mudzimu u ita tshiñwe tshithu u bva husina tshithu. Tenda fhedzi ni si nga si vhe tshithu, Mudzimu ndi Tshiñwe tshithu. Tenda fhedzi ni tshi nga di wana inwi muñe ni nn̄da ha n̄dila, zwenezwo Mudzimu u a dzhenia. Fhedzi musi no kukumuwa na u huduluwa, u swikelia ni tshi vha na muhulusa na vha khwiñe, a ni na tshithu tshire na tea u vha natsho: ndi mbilu ya u ñitukufhadza phanda ha Mudzimu. Huno ri a zwi ñivha hezwo, vharathu. Zwa vhukuma. Noho.

¹⁰⁷ A nga vhoni, kana... u pfa ñuvha li tshi ḥavha. A ni nga zwi pfi. No no vhuya na ya nn̄da, nga madekwana, u pfa ñwando u tshi wa? Ndi mini tshire ra nga ita ri si nawo? Ni a vhona, a zwi dzhii hezwo.

¹⁰⁸ Ndi do ni vhudza tshiñwe tshithu zwino. Ndi o dzikaho... A si mahovhohovho a madi a itaho phosho khulu, na u fhufhela n̄tha na fhasi, zwi vhonisaho lunako lwa dzinaledzi, khao. Ndi dzivha lo tsaho na u dzika, lino vhonisa lunako lwa ñaledzi.

¹⁰⁹ Tshire ra ḥoda, madekwana ano, ndi uho vhudzivha, tshenzhembo tsho pfumaho, itsho Tshithu fhasi ngomu hashu. A tshi—a tshi tei u zhamba, naho tshi tshi nga ralo. Fhedzi ri vhea vhundeme nga maandesa khau zhamba hashu. Zwi nga di itea zwa si ambe nga ndimi, naho zwe ralo zwi nga ralo. Fhedzi ro vhea vhundeme nga maanda khazwo. [Tshikhala kha theiphi—Mudz.]

¹¹⁰ Zwi nga di itea zwa si vhe kha muṭangano wa Billy Graham, muṭangano wa Oral Robert, kana muṭangano wanga. A ni tei u zwi ita. Tshire tsha tea u vha hone ndi uvho vhudzivha ha Lufuno

Iwa Mudzimu lwa U Ya Nga Hu Sa Fheli. Ndi Muya u re ngomu hawe, une wa ita uri ni vhe zwine na vha zwone.

¹¹¹ Ndi zwe nda vha ndi tshi khou amba nga hazwo, matsheloni ano. Ndi zwe nda vha ndi tshi khou kokodza, Tshivhidzo kha Khalivari, murahu na u ya phanda. Ni songo humbula uri ngauri no amba nga dzindimi, kana uri ni a divha zwinzhi nga Marwalo, kana no vhala dzibugu dza muñwe muthu, huno ni divha zwinzhi u fhira vhañwe vhathu. O ri, “Vheani luswayo kha avho vhane vha gomela na u lilela vhutudzi vhu iteaho doroboni.” Ndi nnyi a ne A do mu swaya doroboni dzashu, madekwana ao? Ni a vhona, ndi vhudzivha ha Muya, hu si u sa tsa. A si ganda kha—kha nduhu i re yavhuđi. Ndi nduhu ire fhasi ha ganda. Ni nau putela hu si na tshithu. A ni na tshithu fhasi hafho. Tshine ra ḥoda, madekwana ano, ndi vhudzivha ha lufuno lwa Mudzimu.

¹¹² Huno musi Elia a tshi pfa ilo Ipfi lītuku lo dzikaho, a hu na tsho mu dinaho.

¹¹³ No pfa mini kha zwothe? Ni do ṭuwa, kha maduvha a si gathi. No pfa Billy Graham. Ni do pfa Oral Roberts. Ni do pfa vhañwe, vhanna vhahulwane. A hu na tshiñwe kha avho vhanna tsha u lwa navho; ndi vhajinda vha Mudzimu. Fhedzi ni songo thetshelesa phosho. Ipfani ilo Ipfi lītuku lo dzikaho, uho u dzivhafhala ha Tshiñwe tshithu tshi daho mbiluni ya muthu, hune ha dzhia vhutsilu hothe u bva kha inwi. Zwi dzhia shango lothe u bva kha inwi. Zwi ni ita uri ni nyale zwithu zwa shango huno na funa zwithu zwa Mudzimu. Ndi hone vhudzivha, ndi lone dzivha line la vhonisaho naledzi dla Mudzimu kha vhugala ha U Ya Nga Hu Sa Fheli. Ndi tshithu tshino bvisa miłodzi małtoni, u qisa dakalo li sa ambei, na vhudalo ha vhugala. Zwi ni ita uri ni ime musi zwithu zwothe zwi tshi ni balela. Zwi itisa... Musi vhulwadze vhu tshi da, kana naho hu lufu lwone lunę, zwi kha di vhonisa phaṭhutshedzo dla Mudzimu khazwo; ilo dzivha lītuku lo tsaho, nahone u vhonisa maładulu, hu si magabelo na phosho ya mađi. Mahovhohovho a mađi a ngo dzivhafhala. Ndi mađi o dzikaho a tsaho vhudzivhani.

¹¹⁴ Ngavhe Mudzimu a tshi ri thusa, madekwana ano, khonani, vhunga ri tshi khou da kha ṭafula ya tshilalelo, u elelwa hezwo; hu sa londiwi zwa nn̄da zwine ra ita, ndi zwi ngana zwithu zwavhuđi zwine ra ita.

¹¹⁵ Inwi ni ri, “Zwo ralo, Mukomana Branham, ndi a ya tshivhidzoni. Ndi lingedza u tshila zwa khwine zwine nda nga kona.” Ndi zwavhuđi. A hu na tshithu tshi lwaho nazwo, murathu. “Ndo amba nga dzindimi, Mukomana Branham. Ndo zhamba Muyani.” Ndi zwavhuđi. Fhedzi a si zwine nda khou amba ngazwo, murathu. Hezwo a zwi athu vha zwone. A si zwine nda khou amba ngazwo.

¹¹⁶ Ndi khou amba nga ha Ipfi lītuku lo dzikaho, itsho Tshithu tsho pfumaho na tsha vhuhosini. Ndi, ndi anzela u vhona

vhomme vha kale musi vha tshi da fhasi kha holwu luvhande hafha, miñwaha yo fhiraho, miñodzi i tshi elela maramani avho, musi mutukana wa muitazwivhi muthihi a tshi ima, a da kha aleñare.

¹¹⁷ Namusi, ndi ita mbidzo, huno nda vhona mutukana a tshi khou da, vho dzula huno vha tshi khou ḥafuna tshingamu. Mulandu ndi mini? No xela u pfa hezwo?

¹¹⁸ No pfa mini? Ni pfa mini? Ri kha tshifhinga tsha u fhedza.

¹¹⁹ No zwi pfa kha thelevishini, na kha radio, kha dzimagazini dzañu, kha mabammbiri aña, uri hu do vha na u dzunguluwa hothe shangoni liñwe duvha. Ni khou thetshelesa mini, u pfa idzo alamu dzothe, radioni yanu yo fungwa, duvha lothe, na ayo maloto othe a tshi khou bvela phanda, u pfa uri ndi lini hune gulu dza do thuntshwa, kana dzibomo? A thi thetshelesi izwo zwithu. [Mukomana Branham u vhanda zwanda luthihi—Mudz.]

¹²⁰ Ndi khou thetshelesa u pfa Ipfi li tshi ri, “Ida hafha ntha. Zwo itea zwavhuđi, Wanga wavhuđi muđinda a fhulufhedzeaho.”

¹²¹ Ni khou pfa mini? Ni a divha, ndi humbula uri ri na dzangalelo nga maanda kha u thetshelesa zwithu zwothe zwa shango, na zwithu vhunga hezwo, ri nga si pfe ilo liñuku, Ipfi liñuku lo dzikaho.

¹²² Ro pfa vhashu vha tshi ri, “Itanu dzhoina tshivhidzo, zwi do luga.” Ro pfa vhañwe vhavho vha tshi ri, “Itanu amba nga dzindimi, zwothe zwo fhela.” Vhañwe vhavho vha ri, “Itanu zhamba, zwothe zwo fhela.”

¹²³ Ni nga si pfe ilo liñuku, Ipfi liñuku li vheaho Tshiñwe tshithu tsho pfumaho na u dži vhafhala kha vhutshilo, u ni ita zwine na tea u vha zwone.

¹²⁴ Gurou i nga si añwe guroi ngauri i kha muñokola kana mañata. Mufhunga-vho u kha mañata. Fhedzi zwi dzhia vhutshilo kha uyo muñokola u bveledza gurou. Madj a welaho khawo a do sheledza zwothe. Zwothe zwi do takala khao. Zwothe zwi do hula khao.

¹²⁵ Vhanna na vhasadzi vha nga hula, u zhamba na u luvha Mudzimu, u amba nga dzindimi na u wela tshivhidzoni, u tshina Muyani na bvisa tshafumi, vha di vha vha sa athu, ngomu mbiluni dzavho, ilo Ipfi liñuku la Mdzimu lo pfumaho, lufuno lwo dzivhafhalaho.

¹²⁶ “Naho nda nekedza muvhili wanga uri u fhiswe sa tshihavhelo, huno ndi si na lufuno, a thi tshithu. Naho nda nekedza thundu yanga yothe u kanzwa vhashai, ndi vha ndi si tshithu. Ndi na lutendo lwa u sudzulusa thavha, ndi vha ndi si tshithu. Ndi—ndi—ndi tshi amba nga dzindimi, dza muthu na Vharuñwa, ndi vha ndi si tshithu.” Ni a vhona? Ndi ilo Ipfi liñuku li ambaaho fhasi mbiluni yanu, li shandukisaho kuhumbulele

kwothe, u ita mupo uri u fhambane, huno ni vha tshivhumbwa tshiswa kha Kristo.

¹²⁷ Ni pfa mini? Zwi bva kha uri ni khou thetshelesa mini, khonani. Arali ni khou thetshelesa hafha... Hu si vhudipfi; a hu na u vhonadzwa. Fhedzi arali ni tshi khou thetshelesa, u pfa mvuseledzo khulwane huñwe fhethu, hune vhathu vha zwigidi zwa fumi vha kuvhangana, bvelani phanda; ni khou thetshelesa tshithu tsho khakheaho. “Ndi do ya huno nda vhona. Vhari vha na gogo lihulu.” Izwo a zwi iti phambano thukhu na nthihi. Mbambe ya migado i nazwo. Zwithu zothe-vho zwi nazwo. Roko na rolo i nazwo.

“Ndi khou ya u... Ndi khou ya u itela tshiñwe tshithu-vho.”

¹²⁸ Arali ni tshi yela tshiñwe tshithu-vho nga nn̄da ha... Arali ni tshi khou thetshelesa tshiñwe tshithu-vho nga nn̄da ha ilo Ipfi liñuku, humelani murahu bakoni. Humelani murahu fhasi ha muri wa muunganani, u swikela ri tshi di lugisela. Difareni ni fhumule, nahone ni lindele. Irini mibvumo i fhire. Irini mudzinginyo u dzinginyise. Irini muya u vhudzulaho u tuwe, na mulilo u swiele, tshiñwe na tshiñwe tshine tsha vha thone. Ndi humbula nga ha ulwo luimbo:

Mpfudze, Murena, uri ndi lindela hani musi
mbilu dzo neta,
Iri ndi bvule u di hudza hanga, ndi vhidzelele
Dzina Lau;
Dzudza lutendo lwanga lwo vusuludzwa, mañ
anga kha Iwe,
Irai ndi vhe kha lino lifhasi u vha zwine Iwe wa
n̄oda ndi tshi vha zwone.

Ndi zwine nda ḥoda u ita.

Vha lindelaho kha Murena, vha do vusuludzwa
nungo dzavho,
Vha do fhufha nga phapha sa goni,

Ni a tenda izwo? [Tshivhidzo tshi ri, “Amen.”—Mudz.]

Vha do gidima huno vha sa neti, vha do
tshimbila huno vha sa ñoki;
mpfudze, Murena, mpfunze, Murena, uri ndi
lindela hani.

¹²⁹ Irini mibvumo i fhire. Irini mulilo u swiele. Fhedzi irini ndi pfe ilo Ipfi liñuku, li tshi ri, “Ida kha Nñe, vhothe vho netaho na vho lemewaho. Ibva fhasi ha muri wa muunganani. Ibvan mabakoni anú.”

¹³⁰ Ndi khou ḥoda u pilela lutendo lwanga, u sedza Malofha Awe, u tshimbilela phanda na ri, “Ee, Murena. Zwino ndi a tenda.”

Kha ri rabele.

¹³¹ O Murena, Musiki wa maṭadulu na lifahasi, Muṇe wa Vhutshilo vhu sa fheli, na muṇei wa zwoṭhe zwifhiwa zwavhuđi, Iivha wa khathutshelo kha riṇe, Murena. Zwino ri kha u ima kha thodea ya u pfa. Maipfi ashu, Murena, o ḏa.

¹³² Huno zwino ro pfa maipfi manzhi. Hu na zwinzhi zwine zwa ri, “Ida hafha kha tshino tshivhidzo. Arali na dzhoina tshivhidzo tshashu! Ri na tshigwada tsha khwiṇe kha dorobo, vhathu vha ambaraho zwavhuđi. Meara wa ḫorobo u ya fhethu hashu.”

¹³³ Huno vhathu vhanzhi, miṭanganoni yavho, Murena, vha na vhavhusi, na zwiṇwe-vho, u ḏa vha ita zwipitshi. O Mudzimu, zwi vhetsele kule na nne, Murena. Ndzumbe bakoni huno u ntendele ndi lindele, Murena. Ndi londelani zwine muvhusi a amba? Ndi khou ḫoda u pfa iļo Ipfi liṭuku la Mutshidzi wanga. Oo, nthuse u kona u lindela, Murena, na u vusuludza nungo dzanga vhunga ndi tshi lindela kha Iwe.

¹³⁴ Huno thusa tshino tshivhidzo, Murena, uri vha kone u lindela kha Iwe, huno vha vusuludza lutendo lwavho, na u vusuludza nungo dzavho, u fhufha nga phapha sa magoni. Ngavhe vha tshi thetselesa, Murena, hu si u itela phosho, hu si u itela u zhamba, fhedzi u thetselesela Ipfi liṭuku.

¹³⁵ Murena, nga mađuvha a si gathi, ndi khou ya bakoni nga hangei, u lindela. O Mudzimu, nthuse, Murena. Mpofudze, na u dzingisa nđevhe dzanga, kha zwithu zwa shango, u itela u divhea, kana u duma, kana tshiṇwe tshithu tsha liřhedzi tshire liño shango li nga mpha. Irai ndi dzule henefho, Murena, u swikela ndi tshi pfa iļo Ipfi liṭuku. Zwenezwo irai muđinda Wau a de, Murena, u ḫamela n̄tha, kha phapha dza Goni. Zwi tendele, Merena.

¹³⁶ Fhatutshedza tshino tshivhidzo tshiṭuku. Fhaṭutshedza Mukomana washu Neville. Bvisa uho u lwala thumbuni yawe, Murena, na u zwi posa kule u bva khae. Mu vhee kha mađomu, Murena, huno irai a vhuye murahu hafha, o vusuludzea. “Vha ḫo vusuludza nungo dzavho.” Zwi tendele, Murena.

¹³⁷ Ri hangwele zwivhi zwashu. Ri khou ḏa kha ṫafula ya tshilalelo zwino, Murena. Wo ri, “Ane a la na u nwa hezwi a songo fanelwa, u la na u nwela mulandu ene muṇe, hu si na u ṫalukanya muvhili wa Murena.” Ri thuse, Murena, u ḫodulusa mimuya yashu, mbilu dzashu. Huno ri linge huno u vhone arali hu na zwi songo kunaho kha riṇe. Arali tshi hone, ri hangwele, O Mudzimu, vhunga ri tshi lindela ro diṭukufhadza kha Iwe. Ri zwi humbelia Dzinani la Yesu, Murwa Wau. Amen.

Mpfunze, Murena, u lindela, fhasi magonani
anga,

Huno kha tshifhinga Tshau Iwe-muṇe
tshavhuđi U ḫo fhindula khumbelo yanga.
(Ndi zwone.)

Mpfunze u sa ɖisendeka kha zwine vhañwe vha
ita,
Fhedzi u lindela thabeloni phindulo i bvaho
kha Iwe.

¹³⁸ Ndi zwine nda ʈøda, phindulo u bva Tadulu. Ndi khou ʈøda u pfa Ipfi Ławé; hu si ipfi la mulanguli, hu si ipfi la meara, hu si ipfi la muvhusi, hu si ipfi la mubishopho. Ndi khou ʈøda u pfa Ipfi Łau, Murena. Uho vhulenda na u bvudelela ha Muya Mukhethwa mbiluni yanga, “Idani kha Nñe, nothe no netaho na vho lemelwaho.” Ee, Murena, ro lala fhasi ha muri wa muunganani zwino. Ro lindela, u vhona zwine A do amba.

¹³⁹ Murena o ni fhaṭutshedza, muñwe na muñwe, zwino. Ndi vhangana vhane vha khou ʈøda u elelwiwa thabeloni? Kha ri vhone ni tshi imisa zwanda zwanu. Ni ri, “Murena, mpfunze u lindela. Mpfunze. Iri—iri—iri ndi hangwe nga u dihudza hanga hothe. Musi vhanwe vha tshi khou pfuka ngaho, u ita zwithu zwi hulu sa hezwi, iri ndi diṭukufhadze kha u dihudza hanga, u tou vhidzelela kha Dzina Łau. Mpfunze u sa ɖisendeka kha zwine vhañwe vha ita, fhedzi u tou lindela kha thabelo phindulo i bva ha Iwe.”

¹⁴⁰ Vhunga Eliya o ralo. O lindela murahu ngei. O pfa mubvumo. O pfa phenyo. O pfa u fhandukana ha matombo. O pfa mulilo. O pfa maya. Fhedzi hezwo a si zwe a vha o lavhelesa zwone. A zwi ngo vhuya zwa sudzulusa muporofita. O zwi tendela zwa fhira. Fhedzi musi iło Ipfi liłuku, a dzhia nguvho yawe huno a i vhea kha tshifhaṭuwo tshawe, huno a ya mugumoni a bako. Huno Murena vha ri, “Tshimbila, u ime nt̄ha ha tombo fhasi ngei.”

Ndi zwine nda ʈøda u pfa, “U ima kha tombo.” Zwo luga.

¹⁴¹ Ndi tshifhinga zwino tsha tshilalelo. Mudzimu a ni fhaṭutshedze. Ndi a elekanya, tsha u thoma, ri sa athu ita izwi, ri ʈøda u ɳekedza thabelo ya muñwe na muñwe fhano we a imisa zwanda zwawe, vhane vha ʈøda vhukuma Mudzimu a tshi amba navho. Hu na muñwe kha vhoiñwi afha ane a vha fhasi ha muri wa muunganani, madekwana ano? Imisani tshanda tshanu. Zwa vhukuma. Zwa vhukuma, ro ralo. Vhunzhi hanu hafha kha heli bako, u lindela.

¹⁴² No vhona izwo zwithu zwe the zwi tshi fhira. No pfa mvuseledzo khulwane dza Billy Graham, dza Oral Roberts, yanga nñe muñe, huñwe na huñwe-vho, Tommy Osborn, Tommy Hicks, izwo zwe the zwi no khou bvelela. Fhedzi Li gai? Li gai iło Ipfi?

¹⁴³ Inwi ni ri, “Ndo zhamba na Vhojessups. Ndo—ndo tshina tuyani na Musical Harts. Ndi nazwo zwe the hezwo zwithu. Ndo ita zwe the hezwo. Fhedzi tshi gai itsho Tshithu, Mukomana Branham, tshire tsha nkwayeledzela fhasi na u vhea muhwalo kha nñe wa mimuya yo xelaho, u swikela ndi si nga aweli nga nt̄hani hatsho?”

¹⁴⁴ Zwino, ndi lwone lushaka fhedzi lu dzenahao ngomu. Ndi zwe Bivhili ya amba. "Vhea luswayo kha avho vha gomelaho na u lilela vhuṭudzi vhu itwaho ḫoroboni." Oo, ndi hune ra zwi ṭoda, khonani.

Kha ri rabele hafhu.

¹⁴⁵ Murena! Ndi khou to humbelia, Murena! Oo, ndi nga imba nga maanda. Ndi nga funza nga maanda. Ndi nga zhamba nga maanda. Ndi nga lila nga maanda. Fhedzi ndi nga si rabele nga maanda. O Mudzimu, nṭole nahone u ndinge.

¹⁴⁶ Ndo vha ndi khou to zwi amba, a si kale, nga ha dzivha lo tsaho, uri a vhonisa hani dzinaledzi; u vhea vhudzivha ha Muya Wau kha riñe, Murena, sa Davita muporofita o ri, "Nnyise madini o dzikaho," hu si madi a mahovhohovho. Madi o dzikaho, nthange phanda heneffo, Murena. Mphumudze. Ndi na mazhuluzhulu, ndo sinyuwa.

¹⁴⁷ Ndo ita zwothe zwe Iwe wa mmbudza uri ndi ite, u ya nga hune nda divha. Ndo budekenya lushaka, u mona na shango, ndi tshi rera, na u lila, na u fhembeledza. Wo vha wa u fhlufhedzea u disa itsyo tshiga tsha Mesia, u sumbedza uri ndi Iwe, Murena, a no khou zwi ita, nahone a si muthu. Ndi a livhuwa nga hezwo. Fhedzi, Murena, ndi fhasi ha muri wa muunganani, madekwana ano. Ndi khou divhudzisa, "Ndi ngani vha sa shanduki? Ndi ngani ili Amerika li sa zwi vhone, Murena?" Zwipfi zwawe zwo tou fa? Naa tshivhidzo tsho dzudzanye vrukuma, lwo dziaho vrukuma? Huno vha nga si dzhenelele. A vha nga iti tshithu nga nn̄da ha u nyefula.

¹⁴⁸ Fhedzi ndi na vhuṭanzi, madekwana ano, vhunga zwo vha nga iyo ndila na Eliya, fhasi ha muri, Ni na zwigidi zwa sumbe, zwo salaho, vhe vha si gwadamele Biliamu. U na vhakhethwa vhanzhi liphasini ḥamusi, vho lindelaho u Vhuya ha Murena.

¹⁴⁹ O Murena, ivha wa khathutshelo kha rine. Ri linge, nahone uri vhee kha tshikalo Tshau. Huno arali ra vhonu u ri ro wanala ri vha ṭodaho, O Murena, ri kunakise zwenezwo-ha zwivhini zwashu. Huno u ri ite zwine Wa funa ri tshi vha zwone. Tendela hezwo kha muthu muñwe na muñwe kha tshino tshivhidzo. Ngauri ri zwi humbelia Dzinani la Yesu. Amen.

¹⁵⁰ Zwino tshi khou ya u vha tshifhinga tsha tshilalelo. Ri rabela uri Mudzimu u do ni fhaṭutshedza zwino. Vhote vhane vha tea u ṭuwa, nahone vha sa ṭodi u dzhia tshilalelo, kha ri ṭangane fhano nga Lāvhuraru nga madekwana, ri do vha ri khou ṭangana hafhu.

¹⁵¹ Ni songo hangwa u nthabelisa. Ndi khou ya u i ṭoda zwino. Kha maduvha a si gathi a tevhelaho, ndi khou ya u ṭoda thabelo. Zwino ni songo zwi dzhia sa madze, fhedzi mbeeni mbiluni dzañu nahone ni nthabelise. Ndi a ṭoda dzithabelo dzañu. Ndi na tsheo dzine nda tea u dzhia dzine dža amba mimuya ya miliono

yo fhambanaho. Tshiñwe tshithu tshi tea u itwa. Ndo ya kule nga hune ndi nga kona, nga nungo dzanga. Ndi—ndi tea u vha na bono u bva kha Mudzimu, u itela nne mune. U do ntsumbedza u itela vhañwe, fhedzi ndi—ndi tea u vha na tshiñwe tshithu u itela nne mune. Ndi a zwi ṭoda. Nthabeliseni. U do zwi rumela arali ni tshi nga tou ntabelisa.

¹⁵² U ḥamela u mona, ḥamusi, ndo vha ndo lavhelesa u mona. Ndo vha ndi nn̄da kha nn̄du yanu, Mukomana Roy. Huno ndo vha ndi sa ṭodi u dzhena; ho vha hu na goloi yo dzula nn̄da heneffho. Ndi a ni koloda na Khaladzi Slaughter u ni dalela. Meda na nne ro vha ri tshi khou reila u mona. Nda ri, “Zwo ralo, ndi do vhuaya murahu hu si kale,” fhedzi nda fareledzea nda si tsha humela murahu. U ṭuwa u mona, u reila u mona, dzibadani, ndi khou elekanya, “O Mudzimu, tshiñwe tshithu tshi tea u itwa. Ndi khou tea u U wana huñwe fhethu.”

¹⁵³ Awara i khou ṭuwesa. Swi—swiswi li khou dzhena. Tshifhinga tsha u fhedza tshi fhano, miniti muthihi phanda ha vhusiku-kati. U vhona vhuhone ha swina, u dzinginyea, zwipfi, nyimele ya mazhuluzhulu, mutsiko wa shango, na u sa ḫivha uri ndi khombo yau. Ni a vhona? Yawee, nne nne! Kha ri fhufhe nga phapha sa goni, zwino, u fhufhela kha zwanda Zwawe a sa shanduki mulovha, ḥamusi, na lini na lini.

¹⁵⁴ Zwino, vhothe vhane vha ṭoda u dzula u itela tshilalelo, ri do takala u vha na inwi kha tshino tshifhinga tsha vhuñedzani.

¹⁵⁵ Zwino, ni na Vhakorinta ya u Thoma, ndi a tenda, ndima ya vhu11, heneffho. Ndi do vha na inwi u i vhala zwino, zwenezwo-ha, Mukomana Neville, arali u tshi funa. [Mukomana Neville u vhala Vhakorinta ya u Thoma 11:23-32.—Mudz.]

*Ngauri ndo ṭanganedza kha Murena zwenezwo zwe
nda ni kumedza, Zwauri Murena Yesu vhusiku vhuthihi
he a ḥaledzwa o dzhia tshinkwa:*

*Huno musi o no livhuwa, a tshi nwata, huno a
ri, Dzhia, ilani: uyu ndi muvhili wanga, we wa
nwatekanyelwa vhoiñwi: ni ralo ni tshi itela u nyelwelwa
ngazwo.*

*A ralo-vho na tshinwelo, musi o no lalela, a ri,
Tshinwelo itshi ndi mulanga muswa wa malofhani anga:
ni di ralo, ni tshi nwa, kha u nnyelwelwa.*

*Ngauri misi yothe ni tshi la itshi tshinkwa, na nwa
tshinwelo itshi, ni di ṭanziela lufu lwa Murena u swika
a tshi da.*

*Ndi zwone-ha zwine a laho tshinkwa itshi, na u nwa
itshi tshinwelo tsha Murena, a so ngo fanelwa, u na
mulandu kha muvhili na malofha a Murena.*

*Fhedzi izwo muthu nga a di sedze, huno a kone u do la
tshinkwa, na u nwa tshinwelo.*

Ngauri ane a sokou la na u nwa a songo fanelwa, u dilela na u nwela mulandu kha ene muñe, nge a si ṭalukanye muvhili wa Murena.

Nga nthani ha hezwi hu anda vhalwadze na vhahoṭa vhukati haṇu, huno vhanzhi vha dzama.

Ngavhe ri tshi di haṭula, a ri nga haṭulwi.

Fhedzi musi ri tshi haṭulwa, ri kaidzwa nga Murena, uri ri sa ḍo latiwa na shango.

¹⁵⁶ Izwo a zwi ṭodi inwe ṭhalutshedzo. Zwi tou vha hezwi, “Arali ra sokou la na u nwa ri songo fanelwa, ri dilela na u nwela mulandu riñe vhañe, hu sin a u ṭalukanya muvhili wa Murena. Nga nthani ha hezwi vhanzhì ndi vhahoṭa na vhalwalaho vhukati haṇu, nahone vhanzhi vho dzama,” ni a vhona, musi ni tshi da kha u dzhia tshilalelo.

¹⁵⁷ Mukriste muñwe na muñwe u tea u dzhia tshilalelo. Ndi mushumo waṇu. Ndi ṭano. Ni a vhona? Yesu o ri, “Arali ni sa tshi dzhii, a ni na tshipida na Nne.” Ni a vhona?

¹⁵⁸ “Fhedzi ane a sokou dilela na u di nwela a songo fanelwa, u lela na u nwela mulandu kha ene muñe.” Ndi u, arali ni kha di vha nnḍa shangoni, na u ita zwithu zwa shango, nahone vhatħu vha ni vhona ni tshi khou dzhia tshilalelo, ni khou ita zwe khakheaho. Ni khou disa u nyadzea kha inwi. Nahone zwi ḍo tou ni vhaisa. A zwi vhaisi Mudzimu. Zwi ḍo vhaisa inwi. Huno ngauralo muthu u tea u di ṭola ene muñe.

¹⁵⁹ Huno phanda ha musi ri sendela kha tshifhinga itshi tshikhethwa, ni humbela Mudzimu u sedzulusa vhutshilo hanga. Huno arali ndo ita tshithu tsho khakheaho, nkhangwele tshone. A—a thi ngo di imisela u zwi ita. Ndi ḍo zwi lulamisa arali A tshi dzumbululela kha nne. Huno ndi ḍo humbela tshithu tshi fanaho u itela inwi. O ri, “Musi ro da roṭhe, ri lindelane.” Ndi, “Ni lindelane, nahone ni rabelisane.”

¹⁶⁰ Ri khou ṭoda u dzhia itshi tshilalelo. Huno arali ri sa zwi iti, a ri na tshipida Nae. Ndi zwe A amba. U thoma . . . Kana, Yohane Mukhethwa, ndima ya vhu6.

¹⁶¹ Zwino, kha ri tou rabela. Ni nthabelise, no dzika, musi ndi tshi khou ni rabelisa.

¹⁶² [Mukomana Branham u rabelela fhasi, vhunga tshivhidzo tshi tshi khou rabela tsho dzika—Mudz.] Ndi a rabela uri U ḍo ri hangwela, nga lutendo. Irai Muya Wau, O Mudzimu, u de. Ndi a rabela uri U ḍo ri hangwela milandu yashu yoṭhe kha vhatħu. Hangwela.

¹⁶³ O Murena, ipfa thabelo yashu. Iyi ndi thabelo yashu ya u hangwelwa, Murena. Ri rabelela u hangwelwa. Ri rabelela khathutshelo. Ri hangwele, Murena. Vhunga zwe n̄waliwa Ipfni Lau, “Ri hangwele vhutshinyi hashu, vhunga ri tshi hangwela avho vha re na milandu kha riñe. Huno u si ri ise milingoni,

fhedzi u ri phuluse vhuvhini. Ngauri muvhuso ndi Wau, na maanda, na vhugala, lini na lini. Amen.”

Ndi a tenda ni na zwinzhi . . .



Ni Todani Fhano? TSV59-0301E
(What Does Thou Here?)

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Thafamuhwe 1, 1959, Thaberenakeleleni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org